



ასპინძის სახელოები

ასპინძის მუნიციპალიტეტი * აგვისტო. 2021 * (6)73



გილოცავთ დიდგორის ბრძოლის 900 წლის იუბილეს! დიდგორის ბრძოლა ანუ კლემანტის საკვირველი

(1121 წლის 12 აგვისტო)

ჩამოუბნელდა საქართველოს დიდების მზენი,
ვიდრე სულთნებმა ააოხრეს მამული ტურფა,
ლალატის სუნით გაჟღერებულა მინაზე ქვებიცი,
მეფე ქართველთა ღირსებისთვის ომის
გზას უდგას!

იდგა დავითი ორ მთას შუა დაბურულ ტყეში,
თვით საუკუნეც იკავებდა შიშისგან სუნთქვას,
ჩამოურიგდა დიდგორის ველს ურიცხვი მტერი
და ბრძანა მეფემ – ჩახეხრათ ყველა გზა უკან!
ბრძოლის ყიფინამ მინა შეძრა ნანატრი ქვეყნის,

მტკიცე ლაშქარი, აწყვეტილი დაეშვა მთიდან,
ოსი, ყიფჩალი, ხმაღს იქნევდა დამქაშთა გვერდით
და ღვთის წყალობამ დაიქუხა მალალი ციდან!
ათასწლეული ვერ დაფარავს, ვერც
სიტყვა ვრცელი,
ენამ ვერა თქვა დიდებული მეფობის ხილვა,
ეს იყო „ძლევა საკვირველი“ ქართველი ერის!
და გამარჯვება საქართველოს სიმრთელედ იქცა!

ნინო სორაპა

დავალას თანამედროვე ღონის კულტურის ცენტრი აქვს



სამცხე-ჯავახეთის მხარის რწმუნებულმა ბესიკ ამირანაშვილმა, ასპინძის მუნიციპალიტეტის მერმა როსტომ მაგრაქველიძემ ადგილობრივი თვითმმართველობის წარმომადგენლებთან ერთად სოფელ დამალაში ახლად რეაბილიტირებული კულტურის ცენტრის შენობა გახსნეს.
როგორც ცნობილია, დამალა ერთ-ერთი მჭიდროდ დასახლებული სოფელია, რომელსაც დიდი ხნის ტრადიცი-



ები აქვს. სოფლის ცენტრში არსებული კულტურის სახლი წარმოადგენდა მოსახლეობის ერთ-ერთ მნიშვნელოვან დასვენების, გართობისა და კულტურული ღონისძიებების ჩატარების შესანიშნავ კერას. აქ ხშირად იმართებოდა კონცერტები, მასობრივი ღონისძიებები, გააქტიურებული იყო სექციური და წრეობრივი მუშაობა, იმართებოდა სოფლის მოსახლეობის თავყრილობები. კლუბთან ჩამოყალიბებული იყო მუსიკალური და ქორეოგრაფიული

ანსამბლები, რომლებიც წარმატებით გამოდიოდნენ რაიონულ ღონისძიებებში. ამ ტრადიციების მქონე სოფელმა მუნიციპალიტეტში ერთ-ერთმა შეინარჩუნა საკლუბო მუშაობის ტრადიცია, თუმცა შენობის ავარიულობის გამო ერთხანს ამ მიმართებით შეწყვეტილი იყო მისი ფუნქციონირება.

იმის გამო, რომ სოფელს კულტურული განვითარების მეტი შესაძლებლობა ჰქონდეს, მუნიციპალიტეტის მერიამ ყველა შესაძლო ღონისძიება განახორციელა და მიაღწია იმას, რომ ეს ხარვეზი აღმოფხვრილიყო და წლის დასაწყისიდანვე დაიწყო მისი სარეაბილიტაციო სამუშაოები. პროექტის ფარგლებში სრული რეაბილიტაცია ჩატარდა და შენობას: მოეწყო მეთაბახის და ხის იატაკი, კარ-ფანჯრები, შეკიდული ამსტრონგის ქერი, ბეტონის სარინელი და ბაზალტის ბორცვები, გაილესა და შეიღება შიდა ოთახები, დამონტაჟდა თეატრალური სკამები. აღნიშნული პროექტის სახელმძღვანელო ღირებულება შეადგენდა 224 777 ლარს.

პროექტის სარეაბილიტაციო სამუშაოებზე დასაქმებული იყო 15-მდე ადგილობრივი მცხოვრები.

ნახმატება მიეცეს



სსიპ მასწავლებელთა პროფესიული განვითარების ეროვნული ცენტრის მიერ საქართველოს მასშტაბით, გამართულ კონკურსში „საქართველოს დამსახურებული მასწავლებელი“ საპატიო ნიშნით დასაჯდა ასპინძის

მუნიციპალიტეტის სოფელ ხიზაბაგვის საჯარო სკოლის პედაგოგს ლიანა მურადაშვილს მიენიჭა.

ასპინძის მუნიციპალიტეტის მერი როსტომ მაგრაქველიძე, მერის მოადგილე ლევან ბერიძე და ასპინძის საგანმანათლებლო რესურსცენტრის უფროსი ტრისტან მურადაშვილი სოფელ ხიზაბაგვის საჯარო სკოლას ესტუმრნენ და ლიანა მურადაშვილს „დამსახურებული მასწავლებლის“ სიგელი გადასცეს.

შეხვედრაზე ხელმძღვანელმა პირებმა ლიანა მურადაშვილს მიულოცეს მიღწეული წარმატება და მადლობა გადაუხადეს სასწავლო პროცესში მისი სწავლის მეთოდის და საქმისადმი პროფესიული დამოკიდებულებისათვის.

მუნიციპალიტეტის საკრებულოში

მიმდინარე წლის 23 ივლისს გაიმართა მუნიციპალიტეტის საკრებულოს მორიგი სხდომა.

საკრებულოს სხდომის ფარგლებში დეპუტატებმა განიხილეს დღის წესრიგით გათვალისწინებული საკითხები:

1. „ასპინძის მუნიციპალიტეტის 2021 წლის ბიუჯეტის დამტკიცების შესახებ“ ასპინძის მუნიციპალიტეტის საკრებულოს 2020 წლის 18 დეკემბრის №24 დადგენილებაში ცვლილების შეტანის თაობაზე;

2. ასპინძის მუნიციპალიტეტის მერისთვის გარიგების დადებაზე თანხმობის მიცემის თაობაზე;

3. ასპინძის მუნიციპალიტეტის მერისთვის გარიგების დადებაზე თანხმობის მიცემის თაობაზე;

4. ასპინძის მუნიციპალიტეტის საკუთრებაში არსებული უძრავი ქონების, საკადასტრო მონაცემების დაკორექტირებაზე ასპინძის მუნიციპალიტეტის მერისთვის თანხმობის მიცემის თაობაზე;

5. თანხმობა ასპინძის მუნიციპალიტეტის მიერ არასამწარმეო (არაკომერ-

ციული) იურიდიული პირის სამცხე-ჯავახეთის რეგიონული ძიუდოს კლუბის, მხარეში შემავალ მუნიციპალიტეტებთან (ადიგენი, ახალციხე, ახალქალაქი, ბორჯომი, ნინოწმინდა) ერთად დაფუძნების შესახებ;

6. ასპინძის მუნიციპალიტეტში გენერული თანასწორობის უზრუნველსაყოფად განსახორციელებელი 2021-2022 წლების სამოქმედო გეგმის დამტკიცების შესახებ.

დეპუტატებმა წარმოდგინილი საკითხები ნმათა უმრავლესობით დაამტკიცეს. საკრებულოს საფინანსო საბიუჯეტო, ეკონომიკისა და ქონების მართვის საკითხთა კომისიის თავმჯდომარემ ანა ტივაძემ დეპუტატებს მიაწოდა ინფორმაცია:

1. ასპინძის მუნიციპალიტეტის მერიის მიერ სახელმწიფო შესყიდვებზე გაფორმებული ხელშეკრულებების თაობაზე, რის შემდეგაც საკრებულოს თავმჯდომარემ მამუკა მელიქიძემ სხდომა დახურულად გამოაცხადა.

მაკა პერიძე

ასპინძელები აქტიურად აჩიან ჩაითლები



მიმდინარე წლის 28 ივნისიდან ასპინძის მუნიციპალიტეტის თანადაფინანსებით და „ICSU დამოუკიდებელ ბავშვთა და სტუდენტთა გაერთიანების“ ორგანიზებით დაიწყო პროექტი „ქართული კულტურის დღეები მესტია – 2021“.

აღნიშნულ ღონისძიებაში მონაწილეობას ღებულობენ ასპინძის მუნიციპალიტეტის ახალგაზრდები.

პროექტის ფარგლებში მუნიციპალიტეტიდან მონაწილე ახალგაზრდები, რომლებიც არიან ახალგაზრდული პარლამენტის წევრები, დაესწრნენ პარლამენტის კომიტეტების გასვლით სხდომას. ასევე, აქტიურად არიან ჩართულები სხვადასხვა კულტურულ და საგანმანათლებლო ღონისძიებებში.

მილოცვა

გაზეთ „ასპინძის სიახლენის“ კოლეგია ულოცავს ხიზაბავრის საჯარო სკოლის პედაგოგს ქალბატონ ლიანა მურადაშვილს საქართველოს დამსახურებული მასწავლებლის წოდების მინიჭებას და უსურვებს ახალ-ახალ წარმატებებს მომავალი თაობის აღზრდის საქმეში.

საქართველოს დამსახურებული მასწავლებელი



ლი სასკოლო ცხოვრებაში. 2015 წელს მასწავლებელთა სასერთიფიკაციო გამოცდების შედეგად მიენიჭა გეოგრაფიის უფროსი მასწავლებლის სტატუსი, 2016 წელს სასერთიფიკაციო გამოცდა ჩააბარა სამოქალაქო განათლებაშიც და, შესაბამისად, ორ საგანშია სერთიფიცირებული.

აღსანიშნავია მისი მონაწილეობა სხვადასხვა პროექტებში, – თავისუფალი გაკვეთილების ფარგლებში მის მიერ განხორციელებულმა პროექტმა კიდევ ერთი წარმატება მოუტანა სკოლას. პასუხისმგებელია პროექტზე „ეტალონი“, რომელშიც ხიზაბავრის საჯარო სკოლის მოსწავლეები ყოველთვის წარმატებებს აღწევენ. 2020–2021 სასწავლო

ლიანა მურადაშვილი მასწავლებელთა პროფესიული განვითარების ეროვნულმა ცენტრმა დააჯილდოვა სიგელით – „საქართველოს დამსახურებული მასწავლებელი“.

ლიანა 1991 წლიდან ასწავლის მშობლიურ სოფელ ხიზაბავრის საჯარო სკოლაში გეოგრაფიასა და სამოქალაქო განათლებას და ერთ-ერთი გამორჩეული და წარმატებული მასწავლებელია, რომელიც მუდამ სიახლეების ძიებაშია, ზრუნავს საკუთარ პროფესიულ განვითარებაზე და აქტიურადაა ჩართუ-

წელს სკოლა ჩართული იყო „ახალი სკოლის მოდელის“ პროექტში და ლიანამ იანვარში მონაწილეობა მიიღო საქართველოს განათლებისა და მეცნიერების სამინისტროს მიერ ორგანიზებულ 2020 წლის შემაჯამებელ ფორუმზე, წარმატებული პრეზენტაციით კომპლექსურ დავალებაზე – „ტერასული მევენახეობა სოფელ ხიზაბავრაში“.

ტრისტან მურადაშვილი, ასპინძის საგანმანათლებლო რესურსცენტრის უფროსი

მიმდინარეობს საყრდენი კედლების რეაბილიტაცია

უკანასკნელ პერიოდში ასპინძის მუნიციპალიტეტის მერიის ინიციატივით, მნიშვნელოვნად გააქტიურდა ინფრასტრუქტურული პროექტების განხორციელების ტემპი. ეს იგრძნობა, როგორ დაბაში, ასევე მთელი მუნიციპალიტეტის მასშტაბით.. ყურადღებას იქცევს ის ფაქტი, რომ პროექტები ხორციელდება არა მარტო ცენტრალურ ადგილებში, არამედ ჩიხებსა და ნაკლებად მნიშვნელოვან ადგილებშიც, რათა მოსახლეობამ კომფორტულად მოიხსნოს თავისი საცხოვრებელი პირობები. ამ მიზნით უკვე დასრულდა ე.წ. ძველი აბანოს მიმდებარედ საყრდენი



კედლის მოწყობა, რომლის რეაბილიტაცია მოსახლეობის ინტერესში შედიოდა და სოფელ ოშორაში გზის დამცავი საყრდენი კედლების მოწყობა, რომელთა სახარჯთაღრიცხვო ღირებულება 81 320 ლარია და მშენებლობას ანარმობს. ტენდერში გამარჯვებული კომპანია „ქილდა 2015“.

გაიხსნა მინი სტადიონი



მუნიციპალიტეტის მოსახლეობა კარგადაა ინფორმირებული იმის თაობაზე, რომ რამდენიმე წელია დაიწყო და ინტენსიურად მიმდინარეობს სოფლებში ინფრასტრუქტურული პროექტების განხორციელება, პირველ რიგში გათვალისწინებულია მოსახლეობის ინტერესები, სოფლისათვის საჭირო პრობლემები, რათა მოსახლეობამ იგრძნოს ხელისუფლების მხარდაჭერა და ზრუნვა, რომ ისინიც საჭიროებენ უკეთესი ცხოვრების პირობების შექმნას და მისი განხორციელებით ხელი შეეწყობა სოფლად ახალგაზრდობის დამაგრებას და დემოგრაფიული პრობლემების მოგვარებას, რამეთუ, მოსახლეობის შემცირების



დიდი საშიშროების წინაშე დგას ისედაც მცირერიცხოვანი მუნიციპალიტეტი.

ასპინძის მუნიციპალიტეტის მერმა როსტომ მაგრაქველიძემ ადგილობრივ თვითმმართველობის წარმომადგენლებთან ერთად სოფელ ნაქალაქეში მინი სტადიონი გახსნა. აღნიშნული პროექტი სოფლის მხარდაჭერის პროგრამის ფარგლებში განხორციელდა, რომელიც ადგილობრივი მოსახლეობის მიერ იყო შერჩეული.

სოფელში პროექტის ფარგლებში მოეწყო ღია თანამედროვე სპორტული მოედანი, რაც ხელს შეუწყობს ახალგაზრდებში ჯანსაღი ცხოვრების წესის პოპულარიზაციას.

მშენებლობის პროცესს ადგილზე გაეცნენ




თანამედროვე ცხოვრებაში თითქმის ყველგან დიდი პრობლემებია მოსახლეობის ხარისხიანი სასმელი წყლით უზრუნველყოფის საქმეში. ამ მხრივ არც სოფელი ტოლოშია გამონაკლისი. მიუხედავად იმისა, რომ 30 წლის წინ სოფლის წყალსადენი შეიქცვალა, დროთა განმავლობაში მან ამორტიზაცია განიცადა დღის წესრიგში აუცილებელი გახდა მისი განახლება, რის გამოც მუნიციპალიტეტის მერიამ თავის კომპეტენციის ფარგლებში მიაღწია იმას, რომ სოფლის სასმელი წყლით საკითხი დადებითად გადაეწყვიტა. ამჟამად მშენებლობა აქტიურ ფაზაში შევიდა და მალე სოფელი ხარისხიანი სასმელი

წყლით იქნება უზრუნველყოფილი. მშენებლობის პროცესს ყურადღებას არ აკლებენ მუნიციპალიტეტის თვითმმართველი ორგანოების წარმომადგენლები.

ამ დღეებში სამშენებლო სამუშაოებს ასპინძის მუნიციპალიტეტის მერი როსტომ მაგრაქველიძე, მერის პირველი მოადგილე დავით პაპაშვილი, მოადგილე ლევან ბერიძე და მერიის სხვა წარმომადგენლები ადგილზე გაეცნენ.

სამუშაოებს სს „ერისიმედი“ ანარმობს და მშენებლობა განსაზღვრულ ვადაში დამთავრდება.



საერთაშორისო ფესტივალში გამარჯვებული



მსოფლიო ისტორიას დიდი ომების გარდა ახსოვს დიდი ეპიდემიები, რომლებიც ხშირად ომის მსხვერპლთა რაოდენობას ბევრად აღემატებოდა და მოსახლეობის გენოფონდს ანადგურებდა. მაგრამ კაცობრიობის განვითარების სხვადასხვა ეტაპებზე ადამიანები მაინც ახერხებდნენ ამ უბედურებებისაგან თავის დაღწევას. ამით არც მეოცე საუკუნის 20-იანი წლები ყოფილა გამონაკლისი, რომელმაც ე.წ. „ესპანკას“ ეპიდემიით მილიონობით ადამიანის სიცოცხლე შეინარა. ახლაც, XXI საუკუნის ცივილიზაციის განვითარების ამ უმაღლეს ეპოქაშიც კი, როცა ლამისაა დავიპყროთ სხვა პლანეტებიც, ორი წელია მსოფლიო მედიცინა „კოვიდ-19-ის“ პანდემიას ებრძვის და საიმედო შედეგები მაინც არა დამდგარა, რამაც შეარყია მსოფლიო ეკონომიკა; განათლების, კულტურისა და სპორტის განვითარებას განსაკუთრებული დადი დაასვა და კატასტროფის წინაშე დააყენა ასევე მსოფლიო მასშტაბით ტურიზმი, რაც არაერთი ქვეყნის საბიუჯეტო შემოსავლის მთავარი წყაროა.

არც საქართველოა გამონაკლისი, რომელმაც, პანდემიის გამო, განსაკუთრებული ზარალი განიცადა როგორც ეკონომიურად სუსტმა ქვეყანამ. ეკონომიური კრიზისი ბევრწლიად ხომ განსაკუთრებულმა შეზღუდვებმა გამოიწვია, რომლის გაუთვალისწინებლობა, ვინ იცის, კიდევ რითი დამთავრდებოდა.

რაოდენ სასიხარულოა, რომ მკაცრი შეზღუდვების მოხსნის შემდეგ, ქართულ ეკონომიკამაც ნელ-ნელა იწყო აღმავლობა, ასევე კულტურის სხვადასხვა სფეროსაც შეეცყო გამოცოცხლება და იმედის ნაპერკაკალი ჩაისახა. რეგულაციების მკაცრი დაცვით თითქმის ყველგან იმართება კულტურული ღონისძიებები. საგულისხმოა, რომ მოსწავლე-ახალგაზრდობის აქტიური ჩართულობით დაიწყო ოლიმპიადებისა და ფესტივალების ჩატარება. სასიხარულოა, რომ ასპინძის მუნიციპალიტეტშიც ბოლო რამდენიმე თვეა ამ მიმართებით მნიშვნელოვანი ნაბიჯები გადაიდგა. განსაკუთრებით გააქტიურდა რესპუბლიკურ ღონისძიებებში კულტურის ცენტრთან არსებული ანსამბლების მონაწილეობაც, კერძოდ:

ამა წლის 3-4 ივლისს ქ. ქობულეთში ჩატარდა «ბათუმის III საერთაშორისო ფოლკლორული ფესტივალი», სადაც ბავშვთა ქორეოგრაფიული ანსამბლი "სამცხეც" გაემგზავრა მონაწილეობის მისაღებად. 5 დღიანი ტურნირის დაწყების წინ, ახლადმშენებარე ასპინძის სულთმოფენობის სახელობის ტაძარში მამა დავითმა ანსამბ-

ლის მოცეკვავეები დალოცა და წარმატებები უსურვა.

როგორც ჩვენი გაზეთის მკითხველებმა იციან, ასპინძის კულტურის ცენტრთან არსებული ბავშვთა ქორეოგრაფიული და ფოლკლორული ანსამბლები არაერთხელ გამოსულან როგორც რეგიონული, ასევე რესპუბლიკური მასშტაბით გამართულ ფესტივალებში და არაერთი წარმატებაც მოუპოვებით, მუნიციპალიტეტში კი მათ გარეშე არ ჩატარებულა არცერთი მასობრივი ღონისძიება, რაც კულტურის ცენტრის ხელმძღვანელთა მაღალ პროფესიულ დონეზე მიუთითებს.

როგორც ჩვენთვის გახდა ცნობილი, აღნიშნულ ფესტივალში წარმატებული გამოდგა ასპინძის კულტურის ცენტრთან არსებული ანსამბლის მონაწილეობა. ამასთან დაკავშირებით ვთხოვეთ ამ ცენტრის დირექტორს ჯაბა ასპინძის უფრო დეტალურად გვიამბოს ამ ფესტივალთან დაკავშირებით.

ჯაბა ასპინძია :

– ფესტივალში მონაწილეობას ლეზულობდა 24 ანსამბლი, როგორც საქართველოს ყველა კუთხიდან, ასევე სხვა და სხვა ქვეყნიდანაც, თავდაპირველად 3 ივლისს ჩატარდა შესარჩევი კონკურსი, სადაც აუცილებელი იყო იმდენი ქულის დაგროვება, რომ 4 ივლისს საფინალო კონკურსში მიგველო მონაწილეობა. თავიდანვე დიდი გამოცდის წინაშე დავდექით, რადგან ფესტივალში მონაწილეთა უმრავლესობა პროფესიული დონითაც გამოირჩეოდა და მრავალი ჯილდოს მფლობელებიც იყვნენ. თუმცა, ჩვენი, მსგავს გამოწვევებს შეჩვეულები ვართ და არც ამჯერად შეგვირცხვენია თავი. კმაყოფილებით უნდა აღვნიშნო, რომ ძალიან გვასახელეს ქორეოგრაფიულ ანსამბლ „სამცხის“ მოცეკვავეებმა და უფრობუნებოდ მოიპოვეს მეორე ტურში გადასვლის უფლება. ჭეშმარიტად დამსახურებული პირველი ადგილი მოგვილოცა ორგანიზატორმა და შევეცადეთ ორი ცეკვით მიგვეღწია წარმატებისათვის. 3 ივლისს გამართულ შესარჩევ კონკურსში ანსამბლის მოცეკვავეებმა იცეკვეს „აფხაზური“, რომლებმაც ისე შეასრულეს, რომ ჟიურის წევრებისა და დამსწრე საზოგადოების აღტაცება გამოიწვია და ხანგრძლივი ოვაციებით დააჯილდოვეს ისინი.

საფინალო კონკურსზე მასურების წინაშე ცეკვა „მთიულურით“ წარვსდექით. აქაც, ჩვენი საბედნიეროდ, ისეთ წარმატებას მივაღწიეთ, რომ მქუხარე, ხანგრძლივი აპლოდისმენტები დავიმსახურეთ, – ეს უკვე გამარჯვების საწინდარი იყო.

რა თქმა უნდა, ჩვენი დიდი წარმატება და ფესტივალზე ქორეოგრაფიულ ანსამბლ „სამცხეს“ აღიარება მიღწეული იქნა თითოეული ჩვენთაგანის დაუღალავი, ენერჯიული შრომის შედეგად. ეს ერთი დღის მონაგარი არ ყოფილა. ალბათ, რომ არ გვექონოდა მოცეკვითა მშობლების ერთსულლოვანი მხარდაჭერა (მათი ხარჯით მოგვინია ფესტივალზე გამგზავრება), არც ეს წარმატება იქნებოდა მოპოვებული. ცხადია, ფესტივალზე ჩვენი ანსამბლის გაგზავნის ორგანიზება, როგორც ვთქვი, მშობელთა ხარჯით მოხდა, მაგრამ საჭიროებამ მოითხოვა ფესტივალზე მონაწილეთა რაოდენობის გაზრდა, რაც დამატებით ხარჯებს საჭიროებდა, ეს კი არც თუ ისე მცირე ხარჯებთან იყო დაკავშირებული, რის გამოც შევეცადეთ დამატებითი სახსრების მოძიებას და, მაღლობა ღმერთს, გარჯამ შედეგი აქაც გამოიღო.

მინდა ჩვენი გაზეთის მკითხველს ვაუწყო და დიდი მადლიერება გამოვხატო მათ მიმართ, ვინც ამ მხრივ გაგვინია დიდი დახმარება და მიღწეული წარმატება მათ დამსახურებადაც მიმაჩნია. დასამალი არაა, რომ მძიმე ეკონომიური მდგომარეობის გამო ანსამბლის მონაწილეთა ერთი ნაწილი ამ ფესტივალში მონაწილეობას ვერ ლეზულობდა უსახსრობის გამო, არადა, ისინი შესანიშნავ მოცეკვავეებად ითვლებიან და მათი დასაფინანსებელი სახსრების მოძიების მიზნით სოციალურ ქსელში გაავრცელეთ ინფორმაცია დახმარების თხოვნით, რათა გაენიათ მათთვის სპონსორობა, რასაც, ჩვენდა სასიხარულოდ, ოპერატიული გამოხმაურება მოჰყვა – დაგვიკავშირდა რამდენიმე პიროვნება და გამოთქვა სურვილი თავიანთი წვლილი შეეტანათ ამ მეტად კეთილშობილურ საქმეში. და აი: დაბა ასპინძაში, რესტორან „კოხტას“ მეპატრონემ ალექსანდრე მაისურაძემ, სამშენებლო-სამეურნეო მალაზიის მეპატრონეებმა იოსებ მიქელაძემ და ალბერტ ჯვარციემ, ასპინძელმა ემიგრანტებმა ამერიკაში დიმიტრი ლეკიშვილმა და თეიმურაზ ელიზბარაშვილმა, სპონსორობა გაუწიეს მათ და ანსამბლის სრული შემადგენლობით გამგზავრებაც შედგა. ეს იყო ჩვენთვის უდიდესი მხარდაჭერა, რამაც, როგორც ვთქვი, ჩვენი წარმატება განაპირობა.



მინდა ვისარგებლო შემთხვევით და კულტურის ცენტრისა და ანსამბლ „სამცხის“ თითოეული წევრის სახელით მადლობა გადავუხადო მათ ამ დიდი ქველმოქმედებისათვის. იმედია მსგავს კეთილშობილურ საქმეს მიმდევრებიც გამოუჩნდებიან და მომავალში ანალოგიურ საქველმოქმედო აქტივობებში მიიღებენ აქტიურ მონაწილეობას. ჭეშმარიტად უთქვამს რუსთაველს: „რასაცა გასცემ შენია, რაც არა დაკარგავს!“ ანსამბლ „სამცხის“ გამარჯვება და პირველი ადგილის მოპოვება ხომ თითოეული ასპინძელის გამარჯვებაა!

აქვე მინდა კვლავ დიდი მადლობა გადავუხადო მამა დავითს, რომლის ლოცვით მშვიდობით და წარმატებით დავუბრუნდით საკუთარ კერას.

P.S. გაზეთ „ასპინძის სიახლენის“ რედაქციეცა სულითა და გულით ულოცავს დამსახურებულ წარმატებას ანსამბლ „სამცხეს“ და უსურვებს ახალ-ახალ წარმატებებს მომავალ რესპუბლიკურ თუ საერთაშორისო ფესტივალებში.

მასალა მოამზადა ავთანდილ მუსხემა



სპორტი

ამჯერადაც წარმატებით იასპარეზეს



ამა წლის 10-11 ივლისს ქალაქ თბილისში გაიმართა საქართველოს ახალგაზრდული ჩემპიონატი მძლეოსნობაში, რომელშიც მონაწილეობდა რესპუბლიკის 15 ქალაქი და რაიონი, მათ შორის – ა. ა. იპ-ი ასპინძის გაერთიანებული კლუბი და წარმატებითაც იასპარეზეს.

1500 მეტრ რბენაში | ადგი-

ლი გიორგი ნადირაძემ დაიკავა და საქართველოს ჩემპიონის ტიტული მოიპოვა (2005 წელს დაბადებულს); მეორე ადგილი – 1500 მეტრ რბენაში – ლუკა მელიქიძემ მოიპოვა (იმავე კატეგორიაში), ასევე იმა დავლამერიძემ გოგონათა შორის მეორე ადგილი (5000 მეტრ რბენაში) დაიკავა 2007 წელს დაბადებულს.

ფოტოკორი

ჰარმები

ძველათ, თათრობის დროს, ხალხს აოხრებდნენ. თათრები საყაჩაღოთ დადიოდნენ სოფლებში. იმათ ძველულათ ჰარმებს ეძახდნენ. იმათ უფროს ეძახდნენ ჰარამბაშს. მე ერთ დროს ერკოტაში ვიყავი. იქ გვიამბობდნენ, რო ერკოტის ტყეში მოდიოდნენ ეგ ჰარმები. სოფელშიც მოვიდოდნენ, ჩასახლდებოდნენ პარტიებათ, სადამდისაც უნდოდათ, სვამდნენ, შჭამდნენ და წავიდოდნენო. ერკოტელებს ყავდათ ცხვარი. ერთი უზნის ცხვარი თუ მეორე უზანში გადავიდოდა, აქ მდგომი ჰარმები დაიჭერდნენ და დაჰკლავდნენო. მაშინ გლეხები საჩივრულათ მივიდოდნენ თავის უზნის ჰარმებთან და ეტყოდნენ ცხვრის ამბავს. ესენიც ასე ანუგეშებდნენ: თქვენ ნუ გეშინიათ, როცა იმათი ცხვარიც გამოივლის ჩვენკენ, ჩვენ ორს დავკლავთ და შევჭამთო.

მთქმელი იროდიონ ანანიაშვილი, ახალქალაქის რაიონის სოფ. კოთელია. ჩაინერა ილია მაისურაძემ ბორჯომის მხარეთმცოდნეობის მუზეუმი, N3100, 1947 წლის 14 აგვისტოს ექსპედიციის მასალები. გვ. 36

ინფორმაციები მოგვაწოდა ასპინძის მერიის ადმინისტრაციული სამსახურის საორგანიზაციო განყოფილების უფროსმა ეკა კალაიჯიშვილმა

რედკოლეგია